

სსიპ - საქართველოს ფიზიკური აღზრდისა და სპორტის სახელმწიფო საზოგადოებრივი კოლეჯი

სპორტის მიმართულების პროფესიული საგანათლებლო დაწესებულების მოღვაწეობა, ჩვენს ქვეყანაში 1933 წლიდან იღებს სათავეს. ამ წელს დაარსდა ქვეყნის ერთერთი უძველესი პროფესიული სასწავლებელი - ფიზკულტურის ტექნიკუმი. მოგვიანებით ტექნიკუმს მწვრთნელთა სკოლა ეწოდა. 1977 წელს კი კვლავ დაუბრუნდა ფიზკულტურის ტექნიკუმის სახელი. 2000 წელს ტექნიკუმმა სპორტული კოლეჯის სახელით განაგრძო მოღვაწეობა. 2009 წელს სპორტის კოლეჯს სტატუსი შეუჩერდა. ამ ნაბიჯით მოხდა სპორტის მიმართულებით საგანმანათლებლო პროცესის ლიკვიდაცია, რადგან ერთი წლით ადრე სტატუსი შეუჩერდა უმაღლეს სასპორტო საგანმანათლებლო დაწესებულებას. შედეგად მივიღეთ რეალობა, როდესაც შეიქმნა ძალიან მოცულობითი ვაკუუმი. კვალიფიციური სპეციალისტების დეფიციტმა გამოიწვია უამრავი პრობლემა და პირველ რიგში ამ პროცესებმა მასობრივი სპორტის განვითარებაზე იმოქმედა. 6 წლიანი პაუზის შემდეგ, 2014 წლის გაზაფხულზე სპორტის კოლეჯს კვლავ აღუდგა სტატუსი. სპორტის კოლეჯმა 2014 წლის აგვისტოში წარმატებით გაიარა ავტორიზაცია და კვლავ დაიწყო საგანმანათლებლო მოღვაწეობა. პირველივე წელს სპორტის კოლეჯში მოხვედრის მსურველთა რიცხვი 3-ჯერ აჭარბებდა ადგილების რაოდენობას. უნდა აღინიშნოს, რომ მსგავსი ვითარებაა მომდევნო წლებშიც გაგრძელდა და დღეს ჩვენს კოლეჯში 5 საგანმანათლებლო პროგრამაზე 3564 სტუდენტი სწავლობს.

არსებობის 85 წლიანი ისტორიის მანძილზე სპორტის კოლეჯის კურსდამთავრებული გახდა არაერთი სახელოვანი სპორტსმენი თუ მწვრთნელი, რომელთა შორის არიან მსოფლიო და ოლიმპიური ჩემპიონები და პრიზიორები: ლაშა ტალახაძე, მურმან თურმანიძე, თათია ლორთქიფანიძე, ზაზა ნადირაძე, თეონა ბოსტაშვილი, სანდრო ბაზაძე, ვახტანგ ბალავაძე და სხვები.

2014 წლიდან სპორტის კოლეჯი ახორციელებს შემდეგ პროგრამებს:

№	პროგრამის დასახელება	საფეხური	პროგრამის ტიპი	სტუდენტების რაოდენობა	დასაქმების მაჩვენებელი
1.	სამთო გამყოლი	V	საგნობრივი	13	90%

2.	მწვრთნელი (სახეობების დაკონკრეტებით - დაბალი ასაკობრივი ჯგუფებისთვის)	IV	საგნობრივი	305	80%	
3.	მასაჟისტი	III	საგნობრივი	15	75%	
4.	ბეჭდური და ონლაინ გამოცემების რეპორტიორი	IV	მოდულური	0		
5.	მასაჟისტ-რეაბილიტატორი	V	მოდულური	21	85%	

პროგრამები, რომელთა განხორციელებასაც სამომავლოდ გეგმავს სპორტის კოლეჯი:

1. სამთო გამყოლის მოდულური პროგრამა IV საფეხური
2. მწვრთნელის საგნობრივი პროგრამა უნდა ჩანაცვლდეს ასევე მოდულური პროგრამით, ამასთან დაკავშირებით ხარისხის განვითარების ეროვნულ ცენტრთან უკვე 2 წელზე მეტია მიმდინარეობს კომუნიკაცია.

სპორტის კოლეჯში არსებულ საგანმანათლებლო პროგრამებში ჩართულები არიან კვალიფიციური და გამოცდილი პედაგოგები, დარგის სპეციალისტები. გაფორმებული გვაქვს ურთიერთთანამშრომლობის მემორანდუმები საწარმოო და სასწავლო პრაქტიკის ობიექტებთან.

როგორც ჩვენი ქვეყნის ერთადერთმა სასპორტო მიმართულების პროფესიული დაწესებულებამ, ჩვენ მიზნად დავისახეთ მაღალკვალიფიციური კადრების მომზადება და სპორტის სფეროში პროფესიული განათლების მიმართულებით მიმზიდველი გარემოს შექმნა. ამ მიზნით ჩვენი კოლეჯი ჩართული იყო განათლებისა და მეცნიერების სამინისტროს ყველა პროექტსა და ტრენინგში. სიამაყით შეგვიძლია ვთქვათ, რომ ჩვენი კოლეჯი ერთერთი პირველი იყო, რომელიც ჩაერთო მოდულური სწავლების პროცესში. ჩვენი კოლეჯის რამდენიმე პედაგოგმა მონაწილეობა მიიღო 2015 წელს ხარისხის განვითარების ეროვნული ცენტრის მიერ ორგანიზებულ ერთკვირიან პროექტში. კოლეჯის ორი მასწავლებელი ელენე ბილიხოძე და დავით ჭელიძე ასევე დაჯილდოვდნენ სასპორტო მიმართულების მოდულების შექმნის გამო. კოლეჯი ასევე ზრუნავს პედაგოგებისა და ადმინისტრაციის კვალიფიკაციის ამაღლებაზე. კოლეჯის

თანამშრომლები მონაწილეობდნენ არაერთ ტრენინგში. 2017 წელს კოლეჯის 14 პედაგოგს გადაეცა მასწავლებელთა პროფესიული განვითარების ეროვნული ცენტრის სერთიფიკატი.

2015 წელს ჯანმრთელობისა და სოციალური დაცვის სამინისტროს მიერ ჩატარებულმა კვლევამ აჩვენა, რომ დასაქმების კუთხით სასპორტო მიმართულება ერთერთი ყველაზე მაღალრეიტინგული და მოთხოვნადია. ამა კიდევ ერთხელ ნათლად დაგვანახა, რომ ჩვენი მოღვაწეობა ნამდვილად საჭირო და დროულია.